



Íslenska Suzukisambandið, Kt. 550188-1399, Pósthólf 5453, 125 Reykjavík

www.suzukisamband.is

suzukisamband@gmail.com

Fréttabréf í sumarbyrjun 2010

Á Íslandi stunda yfir 550 börn nám eftir móðurmálsaðferð Shinishi Suzuki. Kennt er á fiðlu, selló, píanó og víólu. Kennarar eru rúmlega 30 og kennt er í 11 skólum víðsvegar um landið. Nánari upplýsingar um kennara og kennslustaði má finna á heimasíðu félagsins.

Innheimta félagsgjalda

Innheimta hefur gengið mjög vel og allir þeir sem hafa greitt árgjöldin ættu nú að vera komnir með skírteini í hendurnar en þeim var dreift til nemenda í gegnum kennara þeirra. Ef einhver hefur ekki fengið skírteinið sitt í hendur, vinsamlega hafið samband við sambandið.

Margir skólar innheimta árgjöldin með skólagjöldunum og er það til mikils hægðarauka fyrir stjórn sambandsins. Aðrir skólar láta okkur í té nemendalista og eftir honum eru félagsgjöldin rukkuð. Við minnum á að aðeins er eitt gjald á hverja fjölskyldu óháð fjölda barna.

Kennarar greiða hærra félagsgjald og eru þar með að viðhalda réttindum sínum sem Suzuki-kennarar.

Íslenska Suzukisambandið greiðir síðan árgjald til Evrópska-Suzukisambandsins, eitt landsgjald og sérstakt gjald fyrir hvern Suzuki-kennara.

Félagsskírteini

Afsláttarkjör félagsmanna í Íslenska Suzukisambandinu.

- Í Sambíóum er hægt að kaupa gjafakort á kr 700 gegn framvísun félagsskírteinis (verð í bíó 1100).
- Hjóðfærahúsið Síðumúla 20 býður 20% afslátt af strengjahljóðfærum og fylgihlutum.
- Heilsuakademían í Egilshöllinni býður félagsmönnum árskort í tækjasal á kr. 37.990 (fullt verð 44.990).
- Skólavefurinn (www.skolavefurinn.is) býður ársáskrift á kr. 12.900 (fullt verð 15.480).

Beðið er svars frá öðrum fyrirtækjum og gaman væri ef þið þekkið einhverja sem væru til í að veita félagsmönnum afsláttarkjör og mynduð tala okkar máli.

Munið að sýna skírteinin til að fá afsláttinn :).=

Upprifjunardagar hafa nú verið haldnir tvisvar sinnum, í bæði skiptin fyrir fiðlur og var mikil ánægja með bæði skiptin. Næsta upprifjun verður í Kópavogi fyrir fiðlur í bókum

Námskeið 4. – 6. Júní

Námskeið fyrir píanó, víólur og fiðlur verður haldið í Reykjavík í tengslum við próf hjá kennurum og koma þá góðir gestir til okkar. Víólukenningararnir Mysie Ferguson frá Skotlandi og Eva Nilson frá Svíþjóð. Píanókenningararnir Ruth Miura frá Spáni og Peter Hagn-Meincke frá Danmörku. Einnig verða okkar frábæru íslensku kennarar á staðnum.

Rétt um 70 börn sóttu um að vera með og er nú verið að raða niður á námskeiðin og verður dagskráin send út um miðjan maí. Námskeiðin verða klæðskerasniðin eftir því hverjir sóttu um þannig að allir ættu að fá sem mest fyrir sinn snúð.

Kennaranám

Mikil gróska er í kennaramenntun og margir sem vilja bætast í hóp Suzuki-kennara Íslands. Námskeið er í gangi fyrir fiðlu, píanó og víólukenningu. Um 20 manns eru í námi á öllum námsstigum og verða próf bæði í júní og síðan aftur í haust. Það er einstaklega ánægjulegt að fylgjast með hvað okkar góðu kennarar eru duglegir að bæta við sig í menntun.

Heimasíðan

Ný heimasíða var sett upp í vetur og er komin í loftið. Eitthvað hefur hún þó verið að ergja okkur þannig að upplýsingar birtast ekki þegar þær eiga að gera það. En þetta stendur vonandi allt til bóta. Allar hugmyndir og hjálp við úrbætur eru vel þegnar. Þeir hjá ESA eru í sömu vandræðum með sína heimasíðu og því eru allar upplýsingar um Ísland eldgamlar þar inná. En þeir fullvissa okkur um að þetta sé í vinnslu.

Með bestu óskum um gleðilegt sumar

Stjórnin

Þórdís Stross, Guðrún Þórarinsdóttir, Kristín Halla Bergsdóttir

Elín Arndís Gunnarsdóttir, Jens Ruminy